

**REGLUGERÐ FRAMKVÆMDASTJÓRNARINNAR (ESB) 2020/2097****2022/EES/18/05**

frá 15. desember 2020

**um breytingu á reglugerð (EB) nr. 1126/2008 um innleiðingu tiltekinna alþjóðlegra reikningsskilastaðla í samræmi við reglugerð Evrópuþingsins og ráðsins (EB) nr. 1606/2002 að því er varðar alþjóðlegan reikningsskilastaðal, IFRS-staðal 4 (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 1606/2002 frá 19. júlí 2002 um beitingu alþjóðlegra reikningsskilastaðla <sup>(1)</sup>, einkum 1. mgr. 3. gr.,

og að teknu tilliti til eftirfarandi:

- 1) Með reglugerð framkvæmdastjórnarinnar (EB) nr. 1126/2008 <sup>(2)</sup> voru samþykktir alþjóðlegir reikningsskilastaðlar og túlkanir sem voru fyrir hendi 15. október 2008.
- 2) Hinn 25. júní 2020 birti Alþjóðareikningsskilaráðið framlengingu á tímabundinni undanþágu frá beitingu IFRS-staðals 9 (breytingar á alþjóðlegum reikningsskilastaðli (IFRS-staðli) 4, *vátryggingarsamningar*).
- 3) Markmiðið með breytingunum á IFRS-staðli 4 er að bregðast við tímabundnum afleiðingum reikningsskila vegna mismunandi gildistöku IFRS-staðals 9, *fjármálagæringar* og væntanlegs IFRS-staðals 17, *vátryggingarsamningar*. Nánar tiltekið framlengja breytingarnar á IFRS-staðli 4 lokadagsetningu tímabundinnar undanþágu frá beitingu IFRS-staðals 9 til 2023 til að laga gildistöku IFRS-staðals 9 að nýjum IFRS-staðli 17.
- 4) Í reglugerð framkvæmdastjórnarinnar (ESB) 2017/1988 <sup>(3)</sup> er lokadagsetning valfrjálsrar frestunar á beitingu IFRS-staðals 9 fyrir einingar, sem einkum stunda vátryggingastarfsemi, þ.m.t. tryggingafélög fjármálasamsteypa sem falla undir gildissvið tilskipunar Evrópuþingsins og ráðsins 2002/87/EB <sup>(4)</sup>, fastsett 1. janúar 2021.
- 5) Þessum einingum ætti að vera heimilt að fresta notkun IFRS-staðals 9 frá 1. janúar 2021 til 1. janúar 2023.
- 6) Í kjölfar samráðs við evrópsku ráðgjafarnefndina um reikningsskil komst framkvæmdastjórnin að þeirri niðurstöðu að breytingar á IFRS-staðli 4 uppfylli skilyrðin fyrir innleiðingu sem eru sett fram í 2. mgr. 3. gr. reglugerðar (EB) nr. 1606/2002.
- 7) Því ætti að breyta reglugerð (EB) nr. 1126/2008 til samræmis við það.
- 8) Ráðstafanirnar, sem kveðið er á um í þessari reglugerð, eru í samræmi við álit stýrjnefndarinnar um reikningsskil.

(\*) Þessi ESB-gerð birtist í Stjútíð. ESB L 425, 16.12.2020, bls. 10. Hennar var getið í ákvörðun sameiginlegu EES-nefndarinnar nr. 357/2021 frá 10. desember 2021 um breytingu á XXII. viðauka (Félagaréttur) við EES-samninginn (bíður birtingar).

<sup>(1)</sup> Stjútíð. EB L 243, 11.9.2002, bls. 1.

<sup>(2)</sup> Reglugerð framkvæmdastjórnarinnar (EB) nr. 1126/2008 frá 3. nóvember 2008 um innleiðingu tiltekinna alþjóðlegra reikningsskilastaðla í samræmi við reglugerð Evrópuþingsins og ráðsins (EB) nr. 1606/2002 (Stjútíð. ESB L 320, 29.11.2008, bls. 1).

<sup>(3)</sup> Reglugerð framkvæmdastjórnarinnar (ESB) nr. 2017/1988 frá 3. nóvember 2017 um breytingu á reglugerð (EB) nr. 1126/2008 um innleiðingu tiltekinna alþjóðlegra reikningsskilastaðla í samræmi við reglugerð Evrópuþingsins og ráðsins (EB) nr. 1606/2002 að því er varðar alþjóðlegan reikningsskilastaðal, IFRS-staðal 4 (Stjútíð. ESB L 291, 9.11.2017, bls. 72).

<sup>(4)</sup> Tilskipun Evrópuþingsins og ráðsins 2002/87/EB frá 16. desember 2002 um viðbótareftirlit með lánastofnunum, vátryggingafélögum og verðbréfafyrirtækjum sem eru hluti af fjármálasamsteypu og um breytingu á tilskipunum ráðsins 73/239/EBE, 79/267/EBE, 92/49/EBE, 92/96/EBE, 93/6/EBE og 93/22/EBE og á tilskipunum Evrópuþingsins og ráðsins 98/78/EB og 2000/12/EB (Stjútíð. ESB L 35, 11.2.2003, bls. 1).

SAMÞYKKT REGLUGERÐ ÞESSA:

*1. gr.*

Í viðaukanum við reglugerð (EB) nr. 1126/2008 er alþjóðlegum reikningsskilastaðli IFRS-staðli 4, *vátryggingasamningar*, breytt eins og fram kemur í viðaukanum við þessa reglugerð.

*2. gr.*

Félög og fjármálasamsteypur, eins og þau eru skilgreind í 2. gr. reglugerðar (ESB) 2017/1988, skulu beita breytingunum sem um getur í 1. gr. þessarar reglugerðar frá 1. janúar 2021 vegna fjárhagsára sem hefjast 1. janúar 2021 eða síðar.

*3. gr.*

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 15. desember 2020.

*Fyrir hönd framkvæmdastjórnarinnar,*

Ursula VON DER LEYEN

*forseti.*

\_\_\_\_\_

## VIÐAUKI

**Framlenging tímabundinnar undanþágu frá beitingu IFRS-staðals 9**

## Breytingar á IFRS-staðli 4

**Breytingar á IFRS-staðli 4, váttryggingasamningar**

Liðum 20A, 20J og 20O er breytt.

**Tímabundin undanþága frá IFRS-staðli 9**

20A IFRS-staðall 9 fjallar um reikningsskil vegna fjármálagerna og gildir í árstímabil sem hefjast 1. janúar 2018 eða síðar. Þessi IFRS-staðall veitir hins vegar váttryggjanda, sem uppfyllir viðmiðanirnar í lið 20B, tímabundna undanþágu sem heimilar váttryggjandanum, án þess að þess sé krafist, að beita IAS-staðli 39, *fjármálagerningar: færsla og mat*, fremur en IFRS-staðli 9 að því er varðar árstímabil sem hefjast fyrir 1. janúar 2023. Váttryggjandi sem beitir tímabundinni undanþágu frá IFRS-staðli 9 skal:

a) ...

...

20J Ef eining uppfyllir ekki lengur skilyrði fyrir tímabundinni undanþágu frá IFRS-staðli 9 vegna endurmats (sbr. a-lið í lið 20G) er einingunni einungis heimilt að beita tímabundnu undanþágunni frá IFRS-staðli 9 til loka þess árstímabils sem hófst strax að loknu því endurmati. Samt sem áður verður eining að beita IFRS-staðli 9 fyrir árstímabil sem hefjast 1. janúar 2023 eða síðar. Ákvarði eining t.d. að hún uppfylli ekki lengur skilyrði fyrir tímabundinni undanþágu frá IFRS-staðli 9 með beitingu a-liðar í lið 20G 31. desember 2018 (lok reikningsskilaársins) er einingunni einungis heimilt að halda áfram beitingu tímabundnu undanþágunnar frá IFRS-staðli 9 til 31. desember 2019.

...

**Tímabundin undanþága frá sértækum kröfum í IAS-staðli 28**

20O Í 35.–36. lið í IAS-staðli 28, *fjárfestingar í hlutdeildarfélagum og samrekstri*, er þess krafist að eining beiti samræmdum reikningsskilaaðferðum þegar hún notar hlutdeildaraðferðina. Samt sem áður er einingu heimilt, en þess er ekki krafist, að viðhalda viðeigandi reikningsskilaaðferðum sem beitt er af hlutdeildarfélaginu eða samrekstrinum, að því er varðar árstímabil sem hefjast fyrir 1. janúar 2023, með eftirfarandi hætti:

a) ...

...

\_\_\_\_\_